

gustav / February 14, 2014 09:16PM

[從本已來，無我、無人、無有丈夫，但是內心見有我、人，內心起時，彼已害我，即名為害... 《大寶積經卷105》](#)

◎ 從本已來。無我、無人、無有丈夫，但是內心見有我、人，內心起時，彼已害我，即名為害。

善住意言：「大士！一切皆虛無有實也，所以者何？

一切諸法本無有生，其猶幻化，欺誑世間。

一切諸法轉變推移，無常存者，皆是虛妄顯現所為，窮其體實，了不可得，不作、不生、不起、不滅。」

於是文殊師利讚善住意言：「善哉！善哉！天子。誠如汝言。」

爾時會中有五百菩薩，已得四禪，成就五通，

然是菩薩依禪坐起，雖未得法忍亦不誹謗。

時諸菩薩宿命通故，自見往昔所行惡業。

或殺父殺母殺阿羅漢，或毀佛寺破塔壞僧。

彼等明見如是餘業，深生憂悔常不離心，

於甚深法不能證入，我心分別彼罪未忘，

是故不能獲深法忍。

爾時世尊為欲除彼五百菩薩分別心故，

即以威神覺悟文殊師利。

文殊師利承佛神力從座而起，整理衣服偏袒右膊，

手執利劍直趣世尊。

欲行逆害時，佛遽告文殊師利言：

「汝住！汝住！不應造逆，勿得害我。

我必被害，為善被害。何以故？文殊師利，從本已來，

無我、無人、無有丈夫。但是內心見有我、人，內心起時，

彼已害我，即名為害。」

時諸菩薩聞佛說已，咸作是念：

「一切諸法悉如幻化，是中無我、無人、無眾生、無壽命、無丈夫、無摩奴闍、無摩那婆，

無父、無母、無阿羅漢、無佛、無法、無僧，

無有是逆，無作逆者，豈有墮逆？所以者何？

今此文殊師利，聰明聖達智慧超倫，諸佛世尊稱讚。

此等已得無礙甚深法忍，

已曾供養無量百千億那由他諸佛世尊，

於諸佛法巧分別知，

能說如是真實之法，於諸如來等念恭敬，

而忽提劍欲逼如來，世尊遽告「且住！且住！

文殊師利，汝無害我。若必害者，應當善害。所以者何？

是中若有一法和合集聚，決定成就，

得名為佛、名法、名僧，名父、名母、名阿羅漢，定可取者，

則不應盡。然而今此一切諸法，無體無實，

非有非真，虛妄顛倒空如幻化。是故於中，

無人得罪。無罪可得，誰為殺者而得受殃？」

彼諸菩薩如是觀察明了知己，

即時獲得無生法忍，歡喜踊躍，身昇虛空高七多羅樹。

(以上句讀自標，請多方參酌其他校本)

~ 《大寶積經卷105》，隋天竺三藏達摩笈多譯 ([CBETA全文](#))

T11n0310_p0590a02(00) 神通證說品第九
 T11n0310_p0590a03(00) 爾時善住意天子。復白文殊師利言。大士。
 T11n0310_p0590a04(01) 我昔曾聞如幻三昧。唯願垂慈顯此正受。
 T11n0310_p0590a05(02) 文殊師利言。天子。
 T11n0310_p0590a06(12) 汝欲見聞如幻三昧甚深境界乎。善住意言。大士。我誠願見。時文殊師利。
 T11n0310_p0590a07(00) 如言即入如幻三昧。
 T11n0310_p0590a08(09) 應時十方如恒沙等諸佛國土。一切境界自然現前。
 T11n0310_p0590a09(06) 於是善住意天子。悉見東方恒沙佛土。
 T11n0310_p0590a10(07) 其中所有種種眾事。或見比丘稱揚宣說如是經典。
 T11n0310_p0590a11(04) 或見比丘尼像。或見優婆塞優婆夷像。
 T11n0310_p0590a12(06) 或見大梵天王天帝釋四天大王。或見人間轉輪聖王。
 T11n0310_p0590a13(02) 或見一切天龍夜叉乾闥婆阿修羅迦樓羅緊那羅摩[目*侯]羅伽。乃至或見一切鳥獸。
 T11n0310_p0590a15(05) 種類若干形貌好醜。皆為說法。如此東方。
 T11n0310_p0590a16(06) 南西北方四維上下一切十方。
 T11n0310_p0590a17(11) 咸有如是恒河沙等諸佛國土所有事業。亦皆如是等無有異。
 T11n0310_p0590a18(04) 盡是文殊師利威神力也。時善住意天子。
 T11n0310_p0590a19(05) 既見如是十方佛土一切境界。歡喜踊躍不能自持。
 T11n0310_p0590a20(02) 於是文殊師利從三昧起。善住意天子一心敬仰。
 T11n0310_p0590a21(00) 白文殊師利言。大士。
 T11n0310_p0590a22(09) 向見十方諸佛國土無量境界。佛事亦殊。而各宣說如斯經典。
 T11n0310_p0590a23(00) 爾時文殊師利問善住意天子言。天子。
 T11n0310_p0590a24(02) 於意云何。汝向所見。
 T11n0310_p0590a25(11) 東方所有一切境界可謂實乎。善住意言。不也大士。文殊師利言。
 T11n0310_p0590a26(03) 如此東方及餘九方。如是十方所有境界。復為實乎。
 T11n0310_p0590a27(00) 善住意言。大士。一切皆虛無有實也。
 T11n0310_p0590a28(03) 所以者何。一切諸法本無有生。其猶幻化欺誑世間。
 T11n0310_p0590a29(00) 一切諸法轉變推移。
 T11n0310_p0590b01(09) 無常存者皆是虛妄顯現所為。窮其體實了不可得。
 T11n0310_p0590b02(06) 不作不生不起不滅。於是文殊師利讚善住意言。善哉善哉。
 T11n0310_p0590b03(00) 天子。誠如汝言。
 T11n0310_p0590b04(00) 爾時會中有五百菩薩。已得四禪成就五通。
 T11n0310_p0590b05(00) 然是菩薩依禪坐起。雖未得法忍亦不誹謗。
 T11n0310_p0590b06(00) 時諸菩薩宿命通故。自見往昔所行惡業。
 T11n0310_p0590b07(01) 或殺父殺母殺阿羅漢。或毀佛寺破塔壞僧。
 T11n0310_p0590b08(01) 彼等明見如是餘業。深生憂悔常不離心。
 T11n0310_p0590b09(02) 於甚深法不能證入。我心分別彼罪未忘。
 T11n0310_p0590b10(03) 是故不能獲深法忍。
 T11n0310_p0590b11(00) 爾時世尊為欲除彼五百菩薩分別心故。
 T11n0310_p0590b12(01) 即以威神覺悟文殊師利。
 T11n0310_p0590b13(08) 文殊師利承佛神力從座而起。整理衣服偏袒右膊。
 T11n0310_p0590b14(05) 手執利劍直趣世尊。欲行逆害時。佛遽告文殊師利言。
 T11n0310_p0590b15(01) 汝住汝住。不應造逆。勿得害我。
 T11n0310_p0590b16(06) 我必被害為善被害。何以故。文殊師利從本已來。
 T11n0310_p0590b17(04) 無我無人無有丈夫。但是內心見有我人。內心起時。
 T11n0310_p0590b18(01) 彼已害我。即名為害。時諸菩薩聞佛說已。
 T11n0310_p0590b19(02) 咸作是念。一切諸法悉如幻化。
 T11n0310_p0590b20(07) 是中無我無人無眾生無壽命。無丈夫。無摩奴闍。無摩那婆。
 T11n0310_p0590b21(00) 無父無母。無阿羅漢。無佛無法無僧。
 T11n0310_p0590b22(03) 無有是逆。無作逆者。豈有墮逆。所以者何。
 T11n0310_p0590b23(04) 今此文殊師利。聰明聖達智慧超倫。諸佛世尊稱讚。
 T11n0310_p0590b24(01) 此等已得無礙甚深法忍。
 T11n0310_p0590b25(08) 已曾供養無量百千億那由他諸佛世尊。於諸佛法巧分別知。
 T11n0310_p0590b26(01) 能說如是真實之法。於諸如來等念恭敬。

T11n0310_p0590b27(02) 而忽提劍欲逼如來。世尊遽告且住且住。
 T11n0310_p0590b28(03) 文殊師利汝無害我。若必害者。應當善害。所以者何。
 T11n0310_p0590b29(00) 是中若有一法和合集聚。決定成就。
 T11n0310_p0590c01(03) 得名為佛名法名僧。名父名母名阿羅漢。定可取者。
 T11n0310_p0590c02(00) 則不應盡。然而今此一切諸法。無體無實。
 T11n0310_p0590c03(01) 非有非真。虛妄顛倒空如幻化。是故於中。
 T11n0310_p0590c04(02) 無人得罪。無罪可得。誰為殺者而得受殃。
 T11n0310_p0590c05(02) 彼諸菩薩如是觀察明了知己。
 T11n0310_p0590c06(07) 即時獲得無生法忍。歡喜踊躍。身昇虛空高七多羅樹。
 T11n0310_p0590c07(03) 以偈歎曰。
 T11n0310_p0590c08(00) 諸法如幻化 斯由分別起
 T11n0310_p0590c09(00) 是中無所有 一切法皆空
 T11n0310_p0590c10(00) 顛倒虛妄想 愚癡取我心
 T11n0310_p0590c11(00) 計念我昔愆 所作業中甚
 T11n0310_p0590c12(00) 過去為大逆 殺父母良田
 T11n0310_p0590c13(00) 殺羅漢比丘 是為極重惡
 T11n0310_p0590c14(00) 以彼惡業故 我當受大苦
 T11n0310_p0590c15(00) 沒疑網眾生 聞法悔或除
 T11n0310_p0590c16(00) 大名拔我毒 破散我疑心
 T11n0310_p0590c17(00) 我已覺法界 眾惡無所有
 T11n0310_p0590c18(00) 諸佛巧方便 善知我等意
 T11n0310_p0590c19(00) 方便度眾生 為解諸疑縛
 T11n0310_p0590c20(00) 何處有諸佛 法僧亦復然
 T11n0310_p0590c21(00) 父母本自無 阿羅漢空寂
 T11n0310_p0590c22(00) 是處無有殺 云何有業果
 T11n0310_p0590c23(00) 如幻無所生 諸法性如是
 T11n0310_p0590c24(00) 文殊大智人 深達法源底
 T11n0310_p0590c25(00) 自手握利劍 馳逼如來身
 T11n0310_p0590c26(00) 如劍佛亦爾 一相無有二
 T11n0310_p0590c27(00) 無相無所生 是中云何殺
 T11n0310_p0590c28(00) 說此執劍妙法門時。
 T11n0310_p0590c29(09) 十方如恒沙等諸佛世界。六種振動。時彼十方諸佛世界。
 T11n0310_p0591a01(03) 一切諸佛現前說法。彼佛侍者。各於本國大眾會中。
 T11n0310_p0591a02(00) 從座而起。咸請其佛言。世尊。
 T11n0310_p0591a03(06) 今此神變是誰威德而令世間大地振動。
 T11n0310_p0591a04(07) 時十方諸佛各各告其弟子曰。諸善男子。今有世界名曰娑婆。
 T11n0310_p0591a05(00) 彼土有佛號釋迦牟尼如來應供正遍覺。
 T11n0310_p0591a06(01) 現在說法。
 T11n0310_p0591a07(14) 然彼世界有一上首菩薩摩訶薩名文殊師利。
 T11n0310_p0591a08(13) 久已不退於阿耨多羅三藐三菩提。為欲破壞新學菩薩執著心故。
 T11n0310_p0591a09(04) 躬秉利劍馳走趣彼釋迦如來。顯發深法。以是因緣故。
 T11n0310_p0591a10(00) 令大地如是振動。
 T11n0310_p0591a11(10) 彼佛世尊因智劍故說甚深法。復令無量無邊阿僧祇眾生。
 T11n0310_p0591a12(04) 法眼清淨心得解脫證深法忍安住菩提。
 T11n0310_p0591a13(00) 爾時世尊建立如是大神變時。以方便力。
 T11n0310_p0591a14(01) 令彼眾中一切諸來新學菩薩。善根微少。
 T11n0310_p0591a15(02) 未離分別取相眾生。皆悉不睹彼執劍事。
 T11n0310_p0591a16(03) 亦不得聞其所說法。
 T11n0310_p0591a17(12) 爾時尊者舍利弗白文殊師利言。大士。仁今已造極猛惡業。
 T11n0310_p0591a18(06) 欲害如是天人大師。是業若熟當於何受。
 T11n0310_p0591a19(07) 時文殊師利告舍利弗言。如是大德如汝所說。
 T11n0310_p0591a20(06) 我今唯能造作如是極重惡業。而實不知於何處受。
 T11n0310_p0591a21(03) 然舍利弗。如吾見者。當若化人幻業熟時我如斯受。
 T11n0310_p0591a22(00) 所以者何。彼幻化人無心分別無有念想。
 T11n0310_p0591a23(01) 一切諸法皆幻化故。又舍利弗。

T11n0310_p0591a24(06) 我今問汝隨汝意答。於意云何。如汝意者實見劍耶。
 T11n0310_p0591a25(03) 舍利弗言不也。文殊師利曰。又定見彼惡業可得耶。
 T11n0310_p0591a26(00) 舍利弗言不也。文殊師利曰。
 T11n0310_p0591a27(06) 又定見彼受果報耶。舍利弗言不也。文殊師利言。
 T11n0310_p0591a28(04) 如是舍利弗。彼劍既無復無業報。誰造斯業誰受報者。
 T11n0310_p0591a29(00) 而反問我受報處乎。舍利弗言。大士。
 T11n0310_p0591b01(03) 以何義故復如是說。文殊師利言。如我所見。
 T11n0310_p0591b02(03) 實無有法業報熟者。所以者何。一切諸法無業無報。
 T11n0310_p0591b03(00) 無業報熟故。
 T11n0310_p0591b04(00) 爾時十方世界諸來菩薩摩訶薩等。
 T11n0310_p0591b05(03) 同請佛言。世尊。唯願世尊以威德力。
 T11n0310_p0591b06(05) 加是文殊師利。令至十方諸佛世界說如斯法。
 T11n0310_p0591b07(04) 令彼眾生咸得聽聞。如我無異。
 T11n0310_p0591b08(09) 於是文殊師利菩薩摩訶薩語彼十方諸菩薩言。諸善男子。
 T11n0310_p0591b09(03) 汝今宜各一心觀察自佛世界也。
 T11n0310_p0591b10(07) 時彼十方諸菩薩眾。從文殊師利聞是語已。
 T11n0310_p0591b11(07) 即各觀本自佛世界。皆睹文殊師利處其佛前。
 T11n0310_p0591b12(05) 為諸大眾說如斯法。
 T11n0310_p0591b13(14) 復各見彼皆有善住意天子問是法門。又各見彼十方佛國諸菩薩等悉皆大集。
 T11n0310_p0591b14(00) 又皆見彼諸天子眾。其數多少與此不殊。
 T11n0310_p0591b15(00) 又各見彼佛界清淨莊嚴微妙與此無異。
 T11n0310_p0591b16(01) 彼諸菩薩摩訶薩眾。如是見已生殊特心。
 T11n0310_p0591b17(02) 得未曾有。同聲讚言。甚奇甚特。
 T11n0310_p0591b18(07) 今此文殊師利道德巍巍。處斯世界安住不動。
 T11n0310_p0591b19(06) 而能普現十方佛前。爾時文殊師利告彼十方菩薩眾言。
 T11n0310_p0591b20(01) 諸善男子。汝今當聽。
 T11n0310_p0591b21(10) 譬如幻師既善學已不離本座而能幻作種種色像。
 T11n0310_p0591b22(07) 菩薩摩訶薩亦復如是。既能善學般若波羅蜜如幻法已。
 T11n0310_p0591b23(02) 即於一切如幻法中。隨其十方諸佛國土。
 T11n0310_p0591b24(03) 欲現形像作諸佛事。如意即能。所以者何。
 T11n0310_p0591b25(04) 一切諸法皆如幻化。以是義故所作隨心。
 T11n0310_p0591b26(05) 譬如日月宮輪住虛空處。初不曾下入諸器中。
 T11n0310_p0591b27(04) 其光普照靡不周遍。菩薩如是安住不動。
 T11n0310_p0591b28(05) 隨心普現十方佛前。或現聲聞緣覺等身。
 T11n0310_p0591b29(06) 或現梵王帝釋等像。或現四天轉輪王事。
 T11n0310_p0591c01(07) 或現國主大臣政化。如是乃至示現一切惡趣眾生形類。
 T11n0310_p0591c02(02) 隨意即能。而亦初無興作之想。

Edited 4 time(s). Last edit at 02/15/2014 02:55PM by gustav.